

og birtist til eftirbreytni öllum þeim, sem hlut eiga að máli. Jafnframt er úr gildi felld gjaldskrá fyrir Rafveitu Siglufjarðar, nr. 63 8. maí 1951.

75

29. apríl

*Atvinnumálaráðuneytið, 29. apríl 1953.*

**Hermann Jónasson.**

*Þorv. K. Þorsteinsson.*

## AUGLÝSING

76

30. apríl

um breyting á samþykkt um lokunartíma sölubúða og takmörkun á vinnutíma sendisveina í Hafnarfirði, nr. 97 19. júní 1944.

1. gr.

Í 1. mgr. 2. gr. samþykktarinnar skulu falla niður orðin „nema föstudaga, þá skal lokað eigi síðar en kl. 7 síðdegis“.

2. gr.

3. mgr. 2. gr. orðist svo:

Á tímabilinu frá 1. maí til 30. september, skal á laugarlögum loka sölubúðum eigi síðar en kl. 12 á hádegi, enn fremur á tímabilinu frá 30. september til 30. apríl skal loka á laugardögum eigi síðar en kl. 4 e. h.

Heimilt er á tímabilinu 1. maí til 30. september að hafa búðir opnar til kl. 7 e. h. á föstudögum.

3. gr.

Breyting þessi öðlast þegar gildi.

Samþykkt þessi, sem gerð er af bæjarstjórn Hafnarfjarðarkaupstaðar samkv. lögum nr. 17 1. febr. 1936, staðfestist hér með, og birtist til eftirbreytni öllum þeim, sem hlut eiga að máli.

Jafnframt er úr gildi felld auglýsing nr. 67 frá 2. maí 1946, um breyting á samþykkt um lokunartíma sölubúða og takmörkun á vinnutíma sendisveina í Hafnarfirði, nr. 97 19. júní 1944.

*Félagsmálaráðuneytið, 30. apríl 1953.*

F. h. r.

**Hjálmar Vilhjálmsson.**

*Gunnlaugur Þórðarson.*

## REGLUGERÐ

77

1. maí

fyrir garðyrkjuskóla ríkisins að Reykjum í Ölfusi.

### I. KAFLI

Tilgangur skólans, inntökuskilyrði og námstími.

1. gr.

Tilgangur skólans er að veita garðyrkjunemum sérfræðslu, bóklega og verklega. Enn fremur að gera ýmsar tilraunir með ræktun garðjurta, bæði við almenn skilyrði og í gróðurhúsum.

77

1. maí

Í skólanum skal fara fram bæði bókleg og verkleg kennsla.

Þeir, sem stunda fullnaðarnám við skólann, skulu njóta bóklegrar kennslu í 3 vetur, á tímabilinu 1. nóvember til 1. marz ár hvert, alls í 12 mánuði.

Verknámskennslu skal aðallega þannig fyrir komið:

1. Allt að þriggja ára verknám fyrir þá, er vilja verða fullnuma í garðrækt.
2. Allt að fjögurra mánaða námskeið fyrir byrjendur.
3. Allt að fjögurra mánaða námskeið fyrir fullnuma garðyrkjumenn.
4. Allt að mánaðar námskeið í matreiðslu og hagnýtingu grænmetis.

## 3. gr.

Verknámskennsla við fullnaðarnám má hefjast á ýmsum tímum árs, eftir því sem ástæður og rúm leyfir. Fyrstu 3 mánuðina skal skoða sem reynslutíma, þegar um byrjendur er að ræða, og skal skólastjóri og kennarar að þeim tíma liðnum ákveða, hvort nemandinn telst fær um að halda áfram námi.

Nemendur við verknám skulu fá skólavist allt að eitt ár í senn, og ber skólanum heldur eigi skylda til að hafa sömu nemendur lengur við verknám. En vera skal skólinn þeim til aðstoðar við að komast að sem verknemar á garðyrkjubúum annars staðar, svo að þeir geti lokið verknámi að fullu.

Bóknámskennslan hefst 1. nóvember.

Fyrst um sinn skal aðeins veita inntöku í bóknámsdeild skólans annað hvort ár. Jólaleyfi nemenda, sem stunda nám í bóknámsdeild, skal vera frá 22. desember til 4. janúar, að báðum dögum meðtöldum.

Nemendur í verknámi skulu eiga kost á sumarleyfi á þeim tíma, er skólastjóri ákveður, og ber að tilkynna nemanda með minnst viku fyrirvara, hvenær orlof hefst. Lengd sumarleyfa skal ákveðin með hliðsjón af því, sem um er samið hverju sinni, milli félags garðyrkjumanna og félags garðyrkjubænda, um garðyrkjuvinnu. — Óheimilt er skólastjóra að skipta sumarleyfi, nema að fengnu samþykki þess nemanda, sem í hlut á.

## 4. gr.

Skriflega beiðni um inntöku skal senda skólastjóra skólans. Hann veitir inntöku í skólann og tilkynnir umsækjanda veitinguna. Til inntöku í bóknámsdeild útheimtist:

- a. Að umsækjandi sé fullra 16 ára;
- b. að hann hafi óflekkað mannorð og sé ekki haldinn neinum smitandi sjúkdómi;
- c. að umsækjandi gefi skriflegt loforð um, að hann neyti ekki áfengra drykkja, meðan hann stundar nám við skólann og dvelur þar;
- d. að umsækjandi hafi lokið unglingsprófi eða hlotið svipaða menntun;
- e. að umsækjandi hafi stundað verknám í garðyrkju a. m. k. eitt ár eftir 14 ára aldur.

Ákvæði þau, sem tilgreind eru undir staflið b og c, gilda einnig um inntöku í verknámsdeild skólans.

Læknisvottorð, skírnarvottorð og skilríki fyrir því, að umsækjandi fullnægi framangreindum atriðum, skulu fylgja inntökubeiðni.

Frá einstökum framantöldum atriðum má þó veita undanþágu, ef sérstakar ástæður mæla með. Umsækjendur, er hlotið hafa góða undirbúningsmenntun, skulu að öðru jöfnu sitja fyrir við inntöku í skólann.

Enginn getur lokið burtfararprófi úr bóknámsdeild skólans nema að hann hafi stundað verknám í 3 ár, þar af eigi skemur en 6 mánuði í garðyrkjuskólanum, en að öðru leyti á viðurkenndum garðyrkjubúum, undir handleiðslu garðyrkjumanns.

## II. KAFLI

## Kennsla.

77

1. maí

## 5. gr.

Yfirstjórn kennslunnar er í höndum skólastjóra og kennara. Skal haldinn kennarafundur a. m. k. einu sinni í mánuði, og þar teknar ákvarðanir um þau mál, er kennsluna varða.

## 6. gr.

Í bóknámsdeild skólans skal kennsla fara fram í fyrirlesturum, með yfirheyrslum, starfsæfingum og með því að fá nemendum verkefni til skriflegrar úrlausnar, allt eftir ákvörðun skólastjóra og kennara.

## 7. gr.

Við verklega kennslu skal leggja áherzlu á, að nemendurnir læri sem flest garðyrkjustörf, bæði við útiræktun og ræktun í gróðurhúsum. Enn fremur skulu þeir vinna að búsmiðum, byggingu gróðurhúsa og viðhaldi þeirra, svo og að öðrum störfum, er að garðrækt lúta og þeim má að gagni koma að kynnst.

Leggja skal áherzlu á að nemendurnir fái sem beztan skilning á þeim störfum, sem unnin eru. Skulu þau útskýrð svo sem þörf er á jafnhliða framkvæmd þeirra.

## 8. gr.

Nemendur skulu færa dagbók, til þess að þeir hafi sem bezt not af hinni verklegu kennslu og fái æfingu í sjálfstæðri hugsun og starfi. Dagbókina skulu þeir afhenda skólastjóra vikulega. Villur skal leiðrétta og viðurkenning skal gefin fyrir því, að dagbókin sé færð eftir þeim kröfum, er skólastjóri og kennarar ákveða.

Nemendur skulu hafa safnað a. m. k. 100 íslenskum plöntum, áður en þeir ljúka burtfararprófi.

## 9. gr.

Í bóknámsdeild skólans skal kenna þessar námsgreinar:

## a. 1. bekkur:

Yfir kennslumisserið:

Íslenska .....	24	kennslustundir.
Bókfærsla, hagfræði og þjóðfélagsfræði .....	48	—
Efnafræði .....	72	—
Eðlisfræði og stærðfræði .....	60	—
Grasafræði .....	60	—
Steina- og jarðfræði .....	48	—
Bygginga- og verkfærafræði .....	36	—
Dráttlist .....	48	—
Starfsæfingar .....	24	—
Leikfimi og sund .....	24	—

Samtals 444 kennslustundir.

## b. 2. bekkur:

Yfir kennslumisserið:

Erfðafræði og garðyrkjutilraunir .....	36	kennslustundir.
Jarðvegs- og áburðarfræði .....	72	—
Grasafræði .....	108	—
Jurtasjúkdómar .....	60	—
Garðyrkjufraði .....	60	—
Land- og hallamælingar .....	48	—

77  
1. maí

Starfsæfingar .....	24	kennslustundir.
Leikfimi og sund .....	24	—

---

Samtals 432 kennslustundir.

c. 3. bekkur:

Íslenzka .....	24	kennslustundir.
Ylræktun ávaxta og matjurta .....	72	—
Blómaylrækt .....	72	—
Matjurtarækt .....	60	—
Trjárækt og garðagróður .....	84	—
Garðyrkjufraði .....	24	—
Skrúðgarðafræði .....	48	—
Starfsæfingar .....	24	—
Leikfimi og sund .....	24	—

---

Samtals 432 kennslustundir.

## 10. gr.

Auk hinnar reglubundnu kennslu, er fyrr um getur, má halda allt að 4 mánaða námskeið við skólann, þar sem fram fari tilsögn í ræktun algengra matjurta og garðagróðurs. Í sambandi við námskeiðin skulu haldnir fræðandi fyrirlestrar, eftir nánari ákvörðun skólustjóra og kennara.

## 11. gr.

Heimilt er einnig að halda önnur námskeið við skólann, þegar ástæður leyfa, t. d. í matreiðslu grænmetis, niðursuðu og geymslu, jurtasjúkdómum, jarðvegs- og áburðarfræði, verkfærafræði, gróðurlýsingum, byggingu og upphitun gróðurhúsa o. fl. Einnig almenn námskeið fyrir garðyrkjumenn, þar sem veitt er, í fyrirlestrum og á umræðufundum, fræðsla um ýmsar greinar garðyrkjunnar.

## 12. gr.

Neiti nemandi að vinna þau verkefni, sem honum er falið að leysa af hendi, eða brjóti á einn eða annan hátt ákvæði þessarar reglugerðar eða skólareglur, skal skólustjóra heimilt að vikja nemanda úr skólanum.

## III. KAFLI

## Próf.

## 13. gr.

Í lok hvers kennslumisseris bóknámsdeildar skólans skulu nemendur prófaðir í þeim námsgreinum, sem kenndar hafa verið á þeim tíma, að undantekinni íslenzku, leikfimi og sundi, en í þeim greinum skulu nemendur prófaðir við lokapróf 3. bekkjar. Til þess að nemendur standist bekkjarpróf og fái leyfi til að halda áfram námi, skulu þeir fá a. m. k. einkunnina 5 til jafnaðar. Sömu einkunn skulu þeir og hljóta til jafnaðar til að standast lokapróf. Þó sténzt enginn próf, er fengið hefur 0 í einni grein, né 1 í fleiri greinum en einni. Áður en nemandinn gengur undir lokapróf, skal hann leggja fram fullnægjandi skilríki fyrir því, að hann hafi lokið tilskildu verk-námi.

## 14. gr.

Einkunnir skal gefa í tölum frá 0—10, heilum tölum og fimmtu þörtum.

Fullnaðareinkunnirnar	5—5.99	teljast þriðja einkunn.
—	6—7.24	— önnur einkunn.
—	7.25—8.99	— fyrsta einkunn.
—	9—10	— ágætis einkunn.

77

1. maí

## 15. gr.

Í bóklegu námsgreinunum skal gefa þessar einkunnir:

## a. 1. bekkur:

1 einkunn fyrir	bókfærslu, hagfræði og þjóðfélagsfræði.
1 — —	efnafræði.
1 — —	eðlisfræði og stærðfræði.
1 — —	grasafræði.
1 — —	steina- og jarðfræði.
1 — —	bygginga- og verkfærafræði.
1 — —	dráttlist.

## b. 2. bekkur:

1 einkunn fyrir	erfðafræði og garðyrkjutilraunir.
1 — —	jarðvegs- og áburðarfræði.
1 — —	jurtasjúkdóma.
1 — —	garðyrkjufraði.
1 — —	land- og hallamælingar.
2 einkunnir fyrir	grasafræði.

## c. 3. bekkur:

1 einkunn fyrir	íslenzku.
1 — —	ylræktun ávaxta og matjurta.
1 — —	blómaylrækt.
1 — —	matjurtarækt.
1 — —	trjárækt og garðagróður.
1 — —	garðyrkjufraði.
1 — —	skrúðgarðafræði.
1 — —	leikfimi og sund.

## 16. gr.

Nemendur þeir, sem staðizt hafa prófið, skulu fá skirteini, er sýni einkunnir þeirra í hverri námsgrein, svo og aðaleinkunn. Enn fremur skal skrá á prófskirteinið greinargerð um undirbúningsmenntun nemandans í verklegum greinum. Hvar hann hefur stundað verknám, hvað lengi o. s. frv.

## 17. gr.

Landbúnaðarráðherra skipar prófdómara.

#### IV. KAFLI

##### Námskostnaður.

## 18. gr.

Skólinn veitir nemendum sínum ókeypis kennslu, húsnæði, ljós og hita, og leggur þeim einnig til verkfæri og áhöld til afnota. Nemendur greiða fyrir þjónustu og fæði. Skal sú greiðsla reiknast sem næst kostnaðarverði hverju sinni, samkvæmt reikningum skólans. Nemendur skulu sjálf sjá sér fyrir sængurfatnaði og kennslubókum.

- 77 Nemendum, sem stunda verknám, skal greiða þóknun eins og hér segir:
1. maí
- |               |      |                               |
|---------------|------|-------------------------------|
| 1. verknámsár | 30%, | sé nemandinn yngri en 16 ára. |
| 1.            | —    | 40%, — — eldri — 16 —         |
| 2.            | —    | 50%.                          |
| 3.            | —    | 60%.                          |

Skal þóknun til nemenda þannig reiknuð í hundraðshlutum, miðað við kaup fullgildra garðyrkjumanna, eins og það er á hverjum tíma, samkvæmt almennum samningum, er um það gilda.

Reglugerð þessi er hér með sett samkvæmt lögum nr. 91 23. júní 1936, um garðyrkjuskóla ríkisins. Með henni er úr gildi numin reglugerð nr. 134 7. desember 1938, fyrir garðyrkjuskóla ríkisins á Reykjum í Ölfusi.

Reglugerðin öðlast þegar gildi, og birtist til eftirbreytni öllum þeim, er hlut eiga að máli.

*Landbúnaðarráðuneytið, 1. maí 1953.*

**Hermann Jónasson.**

*Árni G. Eylands.*

- 78 Staðfesting forsetans á skipulagsskrá fyrir „Hvíldarheimilissjóð húsmæðra í Kaldrananeshreppi“, útgefin á venjulegan hátt að mandatun af dómsmálaráðherra 4. maí 1953.
- Skipulagsskráin er þannig:

## SKIPULAGSSKRÁ

fyrir Hvíldarheimilissjóð húsmæðra í Kaldrananeshreppi.

1. gr.

Sjóðurinn heitir Hvíldarheimilissjóður húsmæðra í Kaldrananeshreppi.

2. gr.

Tilgangur sjóðsins er að styrkja húsmæður í Kaldrananeshreppi til hvíldar og dvalar frá heimilisstörfum 2 til 3 vikur á ári.

3. gr.

Sjóðurinn var stofnaður árið 1932 með 2000 — tvö þúsund — krónum, en er nú árið 1953 orðinn 12 500 — tólf þúsund og fimm hundruð — krónur.

4. gr.

Sjóðinn skal ávaxta í tryggri lánsstofnun hér á landi, eftir ákvörðun sjóðsstjórnar.

5. gr.

Afla skal sjóðnum tekna á þann hátt, sem stjórn sjóðsins og Kvenfélagið Snót í Kaldrananeshreppi telja heppilegast á hverjum tíma.

6. gr.

Leggja skal vexti sjóðsins og aðrar tekjur við höfuðstól, þar til sjóðurinn er orðinn kr. 15000.00. Eftir það má úthluta samkvæmt tilgangi sjóðsins helmingi ár-